



通北紀行



適北紀行

辛丑三月加賀侯以其老夫人疾篤聘達所山本先生應之期以十一日起程而命潛陪從余也北陸諸勝將收入詩囊况以業務所不可辭忻々拜諾

十一日乙丑昧且出門此日天色爽朗過銅駝橋有詩雨霽山光綠若烟肩輿搖夢濟鳧川清流一道碎勻外恰恰啼禽呼懶眠

諸門宥送到彌上弓屋某之家傾離杯乃別已牌抵奴茶店從奴小憩先生使余先抵大津驛乃飛轎行俟于西山樓午上牌先生之駕到同就午饋此日有故不賃

人馬逐宿北樓。同賦詩。不取壁間挂軸書。綠水青山不起塵之句。以為韻。得塵字。

環坐客窓無主賓。省煩忘禮笑談親。也知幽枕離京去。夢繞湖山一踏塵。

此夜月色殊佳。陪先生同諸子遊于尾藏寺。殘花兩三株。与月相映。如雪如雲。湖面渺茫。水色蕩天。清徹如鏡。漁篝數星。燒波佳致。不可言也。不覺舞踏。花下賜茶。殆忘客况。有詩。

幽討尾藏寺。登臨路不賒。瑩々雲吐月。漠々霧沈花。岩角行醒酒。芳陰坐煮茶。瓶中聽寶瑟。湖上望琵琶。漁火

完壁
連城

星十點。林鐘吼。兩涯吟哦。何佞去。佳境領為家。

又登數十武。請高觀音。放眺改觀。歸客館。則已二更。

十二日丙寅。辰牌亦先先生發。大津驛。抵辛崎。以遲先生多時。一奴愕然。報曰。那邊見錢樣。篋子數十。穿菜花。傍台麓而北者。莫是先生行隊。不出於此。而別路。赴坂本驛耶。余急呼扛夫。飛轎北行。到衣川驛。就若挾屋藤兵衛店。喫午飯。更賃驛夫。北歷了真野。入江。和爾驛。沙路一道。在活畫中行。有詩。

玻璃之外碧山微。春漲一層銀。噉磯十里晴沙湖岸路。漁罾補破眼斜暉。

晴景
畫勢

晡時及先生于木戶驛會於逆旅中西勤兵衛家飲饌
畢觀月湖濱有詩

看徹湖心月彩凝水天一色碧澄々大聲不覺呼奇絕
欲向觀音寺畔應寺在幡山隔湖五里強云

歸客舍向二更剔燈作家書

十三日丁卯朝晴發木戶驛憩于北比良村又行數里
郊原趣奇得此詩

鳴禽呼友翠雲中小壩平岡曲徑通芳事忽々一晌老
春風不見半林紅

抵小松驛先生從此航于湖余賃人而陸行踞仄險隘

僅通往來下轎踏履沿岸一帶無數奇石碁峙土人呼
曰甲曹岩亦湖上之一勝抵白髯祠前憩村店又飛轎
經過吹風村大溝府到出加茂村購硯二枚時天色漠
漠行兩濟阿夫川雨益甚午牌抵河原市驛就大黑屋
某家飲饌又行數里憩于岡村未牌抵今津驛更賃人
馬雨潛々不止扛夫疲甚憩澤村稍見霽色行數百武
路上忽見一巨漢禮服來迎者余下轎相揖其人自稱
井闕文輔不面者殆十四年身材肥大面貌如別人纔
記語聲初識其人相共大笑賀無恙文輔名長好字伯
美海洋驛整人而余同窓之學友也以舟五艘指揮舟

人待先生之駕更以小舸迎余上之頃刻達前崖則海
津驛也遂宿于秋田屋久右衛門之家此夕伯美齎酒
有來相共話奮歡然

十四日戊辰卯牌發海津驛天色陰夕抵野口關吏二
人張眼痴坐余下轎一揖而過吏亦作禮到山中村雨
扛夫艱苦詩以記實

雲影濛濛失顧瞻勝區無復入興簾蹒跚憐殺扛夫苦
兩脚飛珠迸笠檐

抵山中嶺就于小茶坊從隸買醉以小憩又行數百武
待此一絕

朶々行雲叢樹間溪聲一道送潺潺依稀昔日丹波路
春雨啼鴛過老山

午時抵匹田驛就于客館飲饌更賃人馬行數里歷盡
飯原村新保村石運稜々是為江越分壤之境登木芽
嶺峻極嶮巖殊甚有詩

風捲轎簾雨氣酸木芽嶺上濕雲寒越山迎我江山送
步々如何蜀道難

晡時宿二屋驛高野三右衛門家々在山中荒僻閑寂
四隣僅々茅店而已當檐見叢祠不知何神也此夕狂
風吹雨如溪聲怒吼淒酸不可言先生使左右服消風

完成

百解散以除雨濕之患。余獨酌野釀以避邪。酣暢自適。
十五日己巳冒雨發二屋驛。歸川鹿谷川相會為一一
山脊北者燧城之墟也。抵今莊驛更賃人馬。踰湯尾嶺
坂道崎嶇。溪流漉漉。水石有聲。推轎窓左右顧望雲霧
蒼々亦一奇。矚也。胸次清爽頓忘旅况。午時抵精波驛。
就于客亭飯。更行數里。過了朧本驛。一峯秀立者曰雛
嶽。歷今宿驛。憩于松森村。路上有詩。用先生海津作韻。
轎窗痴坐睡眸昏。野釀一杯蘓旅魂。呼軋轂中半醺夢。
不知過了幾山邨。

過府中城。越前侯宰臣本多某所居也。坊間多鍛冶。打

槌。敲鏘々。憩于柳原村。又行數里有渡曰白鬼女川。買
舟達于前岸。抵鯖江府。賃人馬。過水落村。休于江尻村。
申牌宿于淺水驛。岩佐四郎左衛門家。兩放霽。

十六日庚午。昧爽發淺水驛。過朝六橋。朝六呼猶淺水
路上得一絕。

曉辭山驛似仙龕。漠々前程雲半含。四顧生輝望開處。
一輪大旭破層嵐。

行數里抵福井府。本州之大都會。昔時朝倉氏所居。當
時呼北莊。至神祖以賜黃門源公。改名福井云。城市
街巷頗饒富。有川曰羽翠。有橋曰九十九。廣可三間長。

九十九間南半砌石北半架板縫接中間奇巧可目也
水僅々就板橋下而流石橋下則雜樹成叢出郭數里
松樹鬱崱間始見白山峰態雄秀積雪玲瓏名不虛也
抵舟橋村有巨流曰九頭龍川浮橋編舟四十八造之
對岸曰森田村憩于旗亭枕水扁曰龍水亭河米菴
所葦也亭前流漲洶湧掀簸浮橋恰如驚龍躍流也又
過了長崎二本二村午時抵金津驛舍村醫松浦研哉
來乞謁于先生飲饌畢又北行里許路上得一絕
輕輿載興出林叢供眼田疇畫本工細夕時吹微醉去
黃雲香冷菜花風

過了細呂水驛此為越加介壤野田順道坂并慶純二
生來迎先生之駕汝丘老松森萃挾路大者數十丈露
蟠根恰如伏龍海色蒼茫隱見其間如畫過立花驛晡
時着大聖寺宿并屋弥二兵衛家此夕病者數十未乞
診先生

十七日辛未曉發大聖寺抵天日村小憩旗亭白山晴
景當軒銀峯一尖秀立大變前日之觀行里許憩動橋
村店園中多種黃連又行數百武連荒比鱗曰柳街多娼
家抵月津驛北溟隱見松間畫趣可目呼曰今井馮先
生有詩命左右見示余受讀之云海色連天遠驚濤翻

雪高長風從棘鞞吹入我髮毛快絕々々余不覺放聲
歎賞過了今井村小濱村抵小松驛々口右邊有多太
八幡祠刻石以標記祠威木曾義仲祈願文及齋藤實
盛甲冑蓋便遊者探討也午時就于津畑屋又治郎家
飲饌出驛亭數十百武有石橋甃砌極工此日粟生川
漲不可濟乃迂路于漆村小憩茆店天色漠々行兩步
數百武有川曰漆買舟達前崖篙子各着白衣容負頗
異樣呼作蝦夷人抵水嶋津憩于旗亭又行數里着松
任驛時向申宿車屋九右衛門家金城賈人大桑屋十
九衛門茶博莊田治郎兵衛禮服相迎飲饌畢更延一

室點茶以供禮待甚厚壁間所挂守景芙蓉雲烟圖澹
墨之妙可賞小屏所貼千代尼筆蹟亦可見也
十八日壬申辰牌發松任驛抵野々市小憩旗亭又行
里許為金澤城北陸第一大會也館于石浦街石浦
屋文朔之家主人齡未成壹本生父五郎左衛門者禮
服慇懃相迎禮待最優藩士山田良佐西永興三八藤
田吉左衛門吉田丹治郎者奉 侯命以優待 侯使
小川平太郎長田佐左衛門高橋茂春鈴木永古三田
村喜哲賜盛饌于客館江間篁齋白崎元齡松原逸格
等各獻棘鬣魚二尾奉賀到着奴隸轎夫二十有餘人

賜別館于白山屋小兵衛研屋八左衛門之二家
十九日癸酉辰牌後藩士山田良佐來乞面少時對話
已牌吉村源太郎者奉 侯命來迎先生診老夫人
于城中先生出客館河原慶次熊田真司及若干人陪
駕行隊肅整余亦從入城行着坊街饒富無不有城壕
堅牢雄壯樓櫓睥睨要害威嚴又何言也先生診畢賜
宴于廳中飲饌豐盛不可勝記未牌歸客館野田坂井
二生自大聖寺來再乞謁晡時高水元春來乞診于先
生診畢與人參養榮湯元春在京日數過藥廬問寒暖
今也形容骨立如不堪衣余傍視吞聲嘆息此夕松原

逸格橫井元冲來訪同酌有興

廿日甲戌巳牌同河原熊田二生往大樋觀陶器午時
歸客館先生再入城今日隅野宰輔陪從湯淺覺二大
村芳造及奴隸若干人張後而行診畢未牌後歸客館
晡時江間篁齋奉 侯命來乞藥先生作當歸溫中湯
進之

廿一日乙亥午後先生三入城潛相從森快安大場探
元出待先生醫話移時未牌後歸客館晚間江間篁齋
來同酌劇談陶然忘客况

廿二日丙子藤田吉左衛門來乞面午後先生入城第

四回也。隅野生，從行隊如前。余也空閑，大橋庄助來訪。對話慰容，况余曰：貴藩老臣，今枝內記君者，與余家有曰：余始祖仁菴府君配法春孺人者，今枝氏也。其碑面見記：豐臣重直女重直初稱彌八，後改民部，始仕豐臣秀次，賜姓叙爵秀次之廢也。應貴藩初祖丞相公之招，移家來仕。大橋生曰：今枝氏之始來于本藩也。俸祿五千石，今也一萬四千石。班列老臣，威權甚盛。余又曰：欲以舊日通名乞謁，大橋生言其不可，遂止。未牌後，先生還藩，士橫山輔八郎者，走介乞診於余，便飛轎往診。病有年，齒五十五。本月十五日，直廳卒倒，與疾而歸。後

妙藥孰不
服可亦以全
於四方

舌強不轉，涎唾溢盛，托治森快安。投崔氏續命湯，無寸驗。余曰：是為心脾二經受風，危症也。為錄永類鈴方解語湯，与之。歸客館，則日全暮矣。江間篁齋，馮明人馬一龍筆前，赤辟賦卷一函而至。秉燭展觀，運筆縱橫，如龍蛇飛動，亦快哉。同酌盡興，三更就枕。

廿三日丁丑，橫山生使今村五百記來謝昨日之勞，贈昆吾若干。午牌，先生五入城，潛三陪，賜饌如例。未牌後，潛歸客館。先生赴金谷城謁，真龍尼公晚間還，驟雨過，暖薰人。

廿四日戊寅，雨未晴。午後先生六入城，診畢，賜饌如例。

廿五日巳卯放晴巳牌先生入城茅七回同隅宰輔陪
此日各着禮服賜饌如例且賜縱觀城中宏壯雄麗不
可勝記申牌歸客館

廿六日庚辰先生課歸計將以明日起歸程昧爽使中
嶋勇次為掌舍發金澤城以預報歸期于諸驛巳牌先
生八入城余亦同隅宰輔陪後賜饌豐盛飽醉殆難禁
拜謝休告未牌已移再賜餞宴于客館此夜有田某奉
侯命來賜白銀若干絹若干乾魚若干乾菓若干於先
生潛及宰輔亦賜銀若干絹若干拜謝忻然紛冗不寢
治裝達明

廿七日辛巳破卯發金城藩吏二人隸一人奉 侯命
護送路上有詩

出郭行々頭又回金城一半宿雲開邯鄲昨夢仙鄉隔
想起瓊筵醉玉杯

憩野々市村店轎底貪睡不覺經過數十程憩于松任
驛車屋九右衛門家主人獻于代尼筆蹟一幀以乞診
于先生過了水嶋小松抵寺井驛午飯歷月津動橋淡
暮抵天日村憩村店時偶見舞鶴冲天活畫真可愛出
村數百步日全昏黑秉燭着大聖寺宿升屋弥治兵衛
家來乞診先生者八十有餘遂達且金城吏分手辭去

廿八日壬午發大聖寺天色爽朗新綠如雲行程盡一
變昔日之觀驛夫六人未與余步法租暴興中苦甚抵
立花驛吏賃驛夫始覺坐穩就睡過細呂木驛憩角原
村土人往來雜踏如蟻聞距此不遠地名吉崎村中有
一向道場僧蓮如闡教之地每歲自本月廿一日迨四
月二日土人群叅拜佛云午時金津驛就于客亭村醫
研哉再來相迎禮待甚厚飯畢行過了長崎森田舟橋
及福井城今市之諸驛申牌後宿于淺水驛
廿九日癸未雨發淺水驛暴風入輿簾凄苦旁近諸山
雲烟變態皆呈奇觀經過水落長仙寺籍江柳原府中

松森今宿版本諸驛午時看鯖波驛飲饌開水東有瓜
生氏之城趾呼曰楚摩山多產胡桃踰湯尾嶺過今莊
驛晡時宿于二屋驛此夕熊田大村二生有一奇事真
為奇話閣筆不敢錄

三十日甲申發二屋驛傍溪取路前巒高爽綠樹葱々
踰木芽嶺詩情又動下轎數步得一絕

新林蔭處密雲青一路輕風百草馨摘取藥苗名僅記
升麻萎蕤或南星

過了新保飯原谷口諸村路上又得一絕
山村荒驛綠葱々花咲花飛客夢中啼鳥喃々春欲盡

造次必於是
顛沛必於是
吾人善言詩
人善言

聊將俚句餞東風

午時着匹田驛飯畢經過馱口山中野口諸驛晚間宿于海津驛井関伯美相迎慇懃優待河原生奉先生命謀明日之舟行于伯美此日本村祭嶽神篙人家皆休業置酒伯美周旋不得遂止

四月朔乙酉戴星發海津驛行數里憩林下天色黎明余飛轎先行抵今津診校本氏女過河原市濟阿玉川迂路抵小川村謁藤樹先生祠堂村人相迎道左把帚先行導之村長小川丈太夫者延先生及吾輩上堂拜觀退賦一絕

名聲貫耳百餘年迂路慇懃訪小川感起德風吹馥郁紫藤花下禮先賢

拜觀遺物感淚泫然辭而出村土人復把帚護送到村口額土辭去其淳朴禮讓足見先生盛德餘風過了出加茂大溝憩白髯祠前又步數十武監奴三平買舟要先生及吾輩溯行以助扛夫之艱舟中有詩曰

輕舟短棹破琉璃湖岸名區一瞬移危坐轉眸未歷處翠烟淡抹白髯宮

舟達于小松驛午飯旗亭又買船泛湖有詩湖光萬頃豁心胸一艇破波離小松談咲敲舷遙送目

